

《中國地方藝文薈萃》編委會 編

中國地方藝文薈萃

學苑出版社

華東卷·第七輯

華東卷·第七輯

捌

中國地方藝文薈萃

《中國地方藝文薈萃》編委會 編

貴州师范学院内部使用

續甬上耆舊詩四十卷（五）

贵州师范学院内部使用

續甬上耆舊詩四十卷（五）

（清）全祖望輯

據清雙韭山房鈔本影印

續甬上耆舊詩卷三十六

寒村詩弟子之二

李太學 暎

松梧閣集選

柴文學 粹

鄭存州選

李太學暎字寅伯一字東門杲堂先生子也杲堂艱于得子四十後始舉太學初墮地面上有如小耳者數十為擊去之稍長右頰有癩作鴉青色有相者見之曰此海外阿羅漢化身也負才氣頗任俠杲堂讀書雅守繩墨不肯少有踈畧而太學不耐章句之學通其大意而已杲堂所作文詞簡練組織嚴于律度而太學信筆立成既冠梨洲黃先生見其詩曰是能獨開生面者而鄭丈寒村尤喜之鄭南谿謝北溟萬西郭為四子之集太學為之長性好遊春

則渡錢塘探河渚入姑蘇遊鄧尉直至花信更番告畢而歸秋則觀曲江漸徘徊桐廬一帶坐待桑葉盡脫始去至於四明二百八十峰則其履齒所晨夕也其遊錄每一年足為一集座上之客常滿頗不善飲而喜召客其自盪司牧守鎮將荐紳先生騷雅游客以至劍俠術士沙門道流參錯旁午不可究詰四方之士至甬上無不叩李氏而太學傾崖倒屣待之各以其差無爽者百函並發半面不忘自朝至莫不以為倦善治具其出門亦必挾客挾客則具連車兼舫生者熟者炙者脯者醬者醢者醢者蜜者晨晝夜鯉春韭秋菘莫不充牣蓋自大學遊而吾鄉遊人驟衰風流頓盡萬西郭曰東門本用世之才遭時不遇以致招落江湖放廢詩酒然其風流跌宕要足以自豪矣尤留心甬

上水利時、為當道言之卒年七十有五所著松梧閣集
其佳處時與寒村相近云少時嘗與證人之社然不喜講
學或勸之則曰今世之為此者特希世以盜名耳吾不屑
也語雖放誕然亦未嘗不切中近人講學之病三子長世
兼次世法次世言而世法尤與予善能承先志開雕兩世
未刻之集行世且以十世通家之誼屬予表墓魄無文之
荒率也

冒雨過小白嶺

欲起不起山頭雲欲上不上嶺頭履雲中四望悲渺茫時
有秋光未收拾百年幾遂卸壑心快遊安得俟風日双肩
竹轎去如飛但聞兩耳松濤急

拜張大司馬墓

赫奕于墳與岳墳誰知司馬足三分遊人雜蹋雷峰下冷
落南屏一片雲

妙高退禪師前朝甲子孝廉先大父同年友也甲申之
變投老于此肅拜塔下

兵氛滿地逼公來咫尺家鄉竟不回杖鉢久齊生死路風
塵不上妙高臺西陵長抱骨潮恨東浙原多燹商才分付
勾芒芒無限意冬青只許墓前開

甲申三月壽林殿魁先生九十壽

六十年前事若何黍離舊恨已消磨誰知尚有孤臣淚流
落鄞江百尺波

脚病詩

左脚病詩不瘳亦復年五十五十豈云衰筋骨漸無力前

者不能行今者不能立前者不能跪今者不能揖肩輿所
難往小舟庶可即旱魃虐奈何河乾土不濕百里佳山川
猶天無階級白日影難移愁聲滿虛雪

鄭公半身風十載聞里閑約我買孤舟江上遊汗漫往來
隨潮汐汎、不登岼我脚頗難行得公半之半扶携亟相
從蓬窓坐而玩領略饒生機翼從秋光亂

無限人之生亂落如花朶天固無容心其間忽有我人皆
健兩足我皆跛其足左跛亦奈我何借此且安坐

訪梅溪翠峰休菴正峰隱峰冶雲諸蘭若仍返樹雪林

午飯而歸

兩岼山齊立中間水劈分竹籬藏野屋石級附層雲境有
烟嵐幻聲無雞犬聞不能多信宿慚愧對斜曛

續南上耆舊詩卷

寒邨詩弟子之一

柴文學梓遑

鄭存草

柴文學梓遑字上林一字漁山少負奇才下筆滔：萬言
天性跌宕目空一切頽不甚從事于學稍壯與陳宗猷交
則痛責之曰以君之才何自棄為漁山猛然汗下終夜深
省力從事于古一日千里頓覺絕塵而奔然漁山尚閔其
詩文不以示人偶為鄭丈寒村所見曰天下奇才也於是
漁山之名大起其古文犀利似秦淮海詩近放翁然漁山
自恃其才所師惟寒村其石友惟宗猷已而皆卒無復
孺之者漸頽唐于詩酒以終殊未見其止也其集曰鄭存
草蓋以志寒邨知己之感予嘗為之志其墓

秋雨嘆三首和杜工部韻

今年夏月憂亢旱，早禾顏色無新鮮。
家：早收不盈半眼，見斗米過百錢。
沉：八月秋雨急，晚禾腰折不肯立。
蒼茫一望成江河，忍見田父田間泣。

又況眼底多紛紜，登樓心事亂如雲。
可望晴空景一色，伴我愁病減三分。
秋雲底比人心黑，秋雨淋漓不肯息。
雖然潑墨南宮圖，繪與愁人搥不值。

書生于世何足數，關心只在室環堵。
數頃薄田長湮沉，幾處頽垣壞風雨。
草棉不收，冬衣寒一家。
妻兒飽暖難歸心，萬里不成寐。
頭天急掃西風乾。

暫別限微字，呈寒却先生。
兼訂登高之約。

雨收林鳥出，晨色露晞微。
難別先生去，應憐遊子歸。
秋深

山氣老霜後菊花肥高閣雙松下清尊興莫違

九月十六同韞山坐三餘草堂遲寒村先生之小谿不
至用元微之送王十一郎遊剡川韻

雙松矗立水灣、劇愛清音景色閒已許仙舟移半浦早
看佳氣入南山楓林漸老分紅翠明月初圓合往還底事
相期猶未至日巡晴鵲噪簷間

大音庵送鹿亭侍御泛舟歸別業即次歸舟原韻

子夜秋光兩地分歸舟纒動水泫泫游魚乘漲吞明月野
犬穿籬吠白雲茶熟黃山香自啜詩成玉宇句先聞遙知
十里菰蒲夢仍與鷗鳧共一羣

梅林灘玩月用白香山小舫韻

為乘薄醉耽餘興特向中流揭短篷好月直從深澗落孤

舟疑與碧天通寒光漸射林間露夜氣徐開水面風歸路
不嫌多寐莫兩三漢火簇燈紅

它山堰謁王公祠用杜工部造意韻

再拜魏祠下逵陰檜柏斜驚心看石堰蒿目嘆迴沙廟後
開近壑水利閩民瘼官情等鏡花殘碑一再讀歸路却忘賒

蘭江舟行訪高尚宅懷賀秘監用陶靖節庚戌歲九月

中于田獲稻韻

賀公讀書處隱約青林端千尋石壁峭百尺晴瀾安高尚
名何時擬諸碩人寬公實事王侯官以秘監還非如羊裘
老獨釣桐江寒天寶亂已伏撥亂才誠難辭榮稍不決轉
眼禍患干豈不炳青史所悲在蒼顏乃知公見我高尚了
不關蘭江一憑吊臨風發長嘆

重陽後浪傳印公已死後知其無恙也十月廿二日見
之開遠齋頭悲喜交集因次摩蒼韻

浪傳公訃已經旬相見依然裏幅巾泉下尚難容
老世間何怪猷陳人稜々瘦骨長如鐵炯炯青瞳更有神去固
欣然留亦可不須重話死生因

寄李東籬

客况憑誰寄鄉愁為子陳東門惟病足西郭只憂貧未泰
秋成薄萑苻盜警頻死生傳笨老相見倍傷神
已卜鸞凰續言歸擬仲秋佳期胡頓易壯志應思酬君自
誇猿臂人多相席頭只愁金屋裡轉不羨封侯

同漁谿晚度小白嶺限韻

晨興星月淡望嶺只投東鴉陣驚霜白雞聲破曉紅崎嶇